



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ecclesiasticorum Vita, Moribus, Officiis Libri Tres

Schevichavius, Gisbertus

Mogvntiae, Anno M.DC.XXI.

Cap. XXV. Ambitione Clerici careant.

urn:nbn:de:hbz:466:1-42349

Quam multi aliter? Cernitur in nonnullis Sacerdotibus vestium cultus plurimus, virtutum aut nullus aut exiguus. Quibus si ego rememorem illud Apostolicum: Non in veste pretiosa, vereor ne indignentur, dum nimirum indignum ducunt in se assumptam sententiam, quam prius in viliores sexum & ordinem, prolatam fuisse recognouerint. Quasi verò non eodem utantur Medici ferro secandis regibus, quo & popularibus hominibus. Attamen si indignantur pari cum mulierculis non quidem à me sed ab Apostolo feriri sententia, dedignantur & cum ipsis eadem inuolui culpa. Verum tu, Sacerdos Dei Altissimi, cui ex his placere gestis, mundo aut Deo? Si mundo, cur Sacerdos? si Deo, cur, qualis populus, talis & Sacerdos.

C A P. XXV.

AMBITIONE CLERICI
careant.

§. **A**mbitionem immoderatum potentia, honoris, dignitatis appetitum summoperè detestentur. Nemo ait Apostolus Hebr. 5. ver. 4. Sumit sibi honorem, sed qui vocatur à Deo tanquam Aaron. Sic & Christus non semetipsum clarificauit. (i. non se ipse extulit, non sibi gloriam arrogauit) vt Pontifex fieret, sed qui locutus est ad eum Psalm. 2. vers. 7. Filius meus es tu, ego hodie genui te. *Quid ambitio.* Christus non nisi diuino vocatu Pontificatus suscepit.

Quemadmodum & in alio loco dicit Psalm. 109. v. 4. Tu es Sacerdos in eternum, secundum ordinem Melebis sedech. Et i. Tim. 3. v. 1. Si quis Episcopatum desiderat, bonum opus desiderat. Opus aut S. Hieron. epist. 83. ad Oceanum cap. 4. non dignitatem, laborem non delicias: opus per quod humilitate decrepescat, non intumescat fastigio. *Episcopatus & qualibet Ecclesiastica dignitas, non privati sed communis boni causæ suscipienda.*

§. De qua Apostoli sententia & B. Aug. l. 19. de ciu. Dei c. 19. Exponere, inquit, voluit quid sit Episcopatus: quia nomen est operis non honoris, inde ductum, quod eis quibus prefigitur, superintendat, curam eorum scilicet gerens, vt intelli-

gat, non se esse Episcopum, qui praesse dilexerit, non prodese.

§. Hoc ipsum & docet S. Gregor. Nazianz. in Apologet. 1. Hic, ait, spiritualis omnis praefectura finis est, nimirum privata utilitate neglecta commodis aliorum inservire. Nunc propter è ambitorum honorum scopus est; alienam posthabere utilitatem, propriam accurare. De qua re Ezech. 34

C A P. XXVI.

RATIONES EVITANDÆ
ambitionis.

§. **H**anc pestiferam luem & honorum contentionem, ut evadant, ejus pericula & damna perpendant 1. siquidem fidei obex est Ioannis 5. v. 44. Quo modo vos potestis credere, qui gloriam ab invicem accipitis, & gloriam quæ à solo Deo est non queritis? 2. fidei confessionis ad salutem necessariæ impedimentum est. Ioannis 12. v. 42. 43. Veruntamen & ex principibus multi crediderunt in eum: sed propter Phariseos non confitebantur, ut è Synagoga non eicerentur: dilexerunt enim hominum gloriam magis, quam gloriam Dei. 3. præceptum in hæresin prolapsio. S. Augustin. lib. de Pastoribus cap. 8. Diversis locis sunt diversa Secta, sed vna mater superbia omnes genuit. S. Gregor. lib. 20. Moral. cap. 11. Hereticos in cunctis erroribus suis inanus gloriæ appetitus possidet, eosq; honoris ambitus captivos tenet. 4. Est & ambitio spei ac fiducia debilitatio & abiectio, quid enim ambitiosus speret à Deo superbis resistente 1. Pet. 5. v. 5. Iac. 4. v. 6. nisi supplicium? 5. Est diuinæ humanæq; dilectionis extinctio: siquidem Caritas non est ambitiosa 1. Corinth. 13. v. 5, ac deinceps meritorum ac cœlestium præmiorum, quæ à caritate pendunt, occasus.

Ambitio malarum.

§. Breuiter multa complectitur S. Bern. serm. 6. in Psalm.